



VENGCHHUNGAH NGAWRH TAKA DUTY A NI.

Chanmari West, January 01 : Branch YMA-in ruahmanna a siam angin Section hrang hrangte mahni Section huamchhung theuh ah Duty a ni a, boruak muanawm tak leh rakmuang tak hnuaiyah veng mipuite'n Krismas leh Kumthar hman a ni.

Kum danga lo tih tawh thin angin Krismas leh Kumthar vuakveta vengchhung mipuiten ralmuang tak leh hlimtaka hun kan hman theih nan Ni 17.12.2011 (Sunday) zan atang khan Branch YMA ruahmanna angin Section hrang hrangah Duty a ni.

Section hrang hrang ah hian YMA memberte leh hruaitute thahnemngai takin zan rei tak tak duty thin a ni a, vengchhungah buaina leh harsatna liantham thleng hriat tur a awm lemlo a ni.

Section hrang hrangte hi mahni Section theuhah Group hrang hranga inthenin Section chhunga mi tlawmngaite in ah an duty thin a, heng mi inphalte chungah hian Br.YMA chuan lawmthu a sawi takzet a ni. Duty tanpuina atan hian Excise Department atangin ` 1,000/- dawn a ni bawka a ni. Heng bakah hian mimal thanemngai tak tak hnen atangin sum fai leh thilpek thahnemtak dawn a ni bawk.


Hetihlai hian Mizoram pumah kum


2010 aiin kumhlui 2011 khan sualna a tlahniam hle a ni. District tinah sualna a tlakhniam bakah tualthahna pawh a tlem hle a ni.


Kum 2010 chhung khan Police ten tualthah thubuai 47 an ziaklut a, kumhlui 2011 ah chuan 25 chiah an ziaklut a ni. Kum 2010 ah tualthah thubuai 27 a awm laiin kum kalta 2011 chhung khan 23 chiah a awm a ni. Kum 2010 aiin 2011 khan rukruk, inrawk, mi bum leh thubuai tenau hrang hrang ah thubuai ziahluh a tlem hle a ni. Pawngsual ah 2010 khan thubuai 93 ziahluh niin 2011 ah khan 69 ziahluh a ni bawka a ni.


Kum 2010 khan Mizoram pumah IPC thubuai 2157 ziahluh a nih laiin 2011 January - November chhung khan IPC thubuai 1678 chiah ziahluh a ni. Non-IPC ah chuan 2010 chhungin thubuai 848 zihluh a nih laiin kum kalta 2011 khan 796 ziahluh a ni. IPC leh Non-IPC ah 2010-ah thubuai 3005 ziahluh a ni a, kum kalta 2011 chhung khan 2474 chiah ziahluh a ni.

Branch News

 Krismas leh kumthar vuakvet laia YMA te kan duty avangin Excise Deptt atangin ` 1000/-dawn a ni a,Section tinah 200/-zel a sem leh nghal an ni.

 Krismas laia tlawmngaia duty te chungah lawmthu sawi a, kumthar vuakvetah pawh duty leh zel turin kan in ngen e.

 Vawiin tlai dar 3:00 hian kum 2011 O.B leh 2012 O.B atana thlanchhuah ten Pu T.Ngurkhuma te In ah charge inhlanna neih tur a ni.

 Krismas leh Kumthar vuakveta buaina leh harsatna awmlova hun hlimawm tak kan hmang thei chu Branch YMA chuan vengchhung mipuite hnenah lawmthu a sawi mawlh mawlh a ni.

CHIBAI BUKNA

Kumthar 2012 chu Pathian kaihhruaina avangin kan lo thleng ta a.He hun min hruai thlengtu Pathian chungah lawmthu kan sawi a.Kumthar a nih ang hian kan veng tana YMA ten kan hnathawhna turah thahnemngai taka thawkho turin YMA Member te leh vengchhung mite kan sawm che u a,vengchhung mi zawng zawngte Kumthar chibai kan buk a che u.



 (T.NGURKHUMA)

President

CHANMARI WEST BRANCH Y.M.A.


 (R.L.THANHNUA)

Secretary

 **TUNKARCHANGVAWN**
 I hnate chu LALPA
 kawltir rawh. Tichuan il
 thil ruahmante chul
 tihnghehin a awm ang.
 Thufingte 16:3



Editorial Board

Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkuma
9862303135

Pu Vanlalhluta

9862366308

Tv. Vanlalfawna

9856301975

Cir. Manager

Johny Lalthanpuia
9612359161

Jacob Lalrinsanga
9612319779

Production

Manager

R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

K.Darthanthuanga
9436196071

Treasurer

C.Lalzarliana
9436142049

Fin.Secretary

Lalthuamluaia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khiangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlina kha hlen rawh. II Tim 4:5

Editorial : Kan ti nek neka kumthar kan lo thleng leh ta reng mai. He kumthar 2012-ah hian YMA memberte leh hruaitute'n thinlung thar leh rilru thianghlim taka kan nitin khawsakna leh hnathawhna atan hman tum theuh ila. Kan Branch YMA hmalakna hrang hrangah pheikhai rual tak leh lungual takin ke pen i tum leh theuh ang u. YMA hruaitu nih hi thil nuam leh phurawm a nilo tih hi mitin hian hre thar leh theuh ila. Kan peih leh peih lohah a inngat lova, kan duh reng vang nilovin hruaitu hrang hrang mawhphurhna kan chelhin kan in ruat leh ngei hlawm ang. Thenkhat tan chuan huphurhawm tak leh nih chak em em loh pawh a ni mai thei e. Kan duhdan leh nuam tihna chin chiah ah theuh hian awm ta ila kan khawtlang mai pawh nilo Zoram hi engtin tak kal ang maw. Chuvang chuan kan theih na zawn theuhah midangte ngaichang leh pheikhai rual taka he khawtlang hian ke a pen theih nan rilru thar pu a thahnemngai taka thawk zel turin i insang mar leh theuh ang u.

Article :

ZONUN MAWI

- Lal Chungnunga, Ex. CYMA President.

Bus-ah i chuanga, i bula ding, seat chang ve lo kha engatinge i seat-ah i \hut tir? bus fare a tumsak che em ni? tumsak lo, nang aia a upat avangin i zah a, i seat i kian mai a ni. Ruai\hehnaah chaw dawh turin i intlar a, i ril pawh a \âm ve tawh. Mahse i hnunga putar chu i kiana, i dawh hmasaktir \hin. Hei pawh eng dang v^ng mah a ni lo, i Zonun zemâwi lo lanchhuah v^ng a ni. Zinnaah mi motor chhia a lo ding a, motor chhe siam thiam miah lo chung a "engtizia nge"? ti-a i din chilhna chhan pawh zonun zemâwi hawihh^wmna nangmaha nung reng kha a lo chhuah vâng mai a ni. Zing dar 2 a ni tawh a, mitthi dar ri val val chuan i muhil tui lai a tiharh che a, YMA tlangau-in tunge thi, engvanga thi nge tih a rawn puanga, vanneihthlak takin i chhungte an ni lo hlah mai. Mahse i muhil zui thei ta lova, chutiang ang hunah chuan \anpui ngaite \anpui turin ruahsur hnuai-ah pawh kê i pên \hin. I exam hun a hnai, a nih loh leh a t<kah i hnaah i kal ngei ngei a ngai chung a mitthi lumenna a i tlaivar tlat si pawh em-i-mi, zet-o-zo Mizo i nih vâng bawh a ni, kan sawi sêng lovang. He nunze mawi kan neih ang hi khawvel tu hnam mahin an nei ve lo tih hi khawvel fang chhuak tawhte sawi a ni. He thil tluka mawi leh \ha ramdanga thawn chhuah tl^k (export quality) he hnam hian a nei hauh lo. Vawng nung zel ila, \hangtharte i zirtir zêl ang u.

Shillong-a lehkha zir kan intih hmuh \an tirh lam khan Khasi ho chuan "Mizote chuan mitthi an l^wm a, tui tak leh hlim takin ruang an zaipui tlaivar a, a tûkah phûr takin thlan an lai leh \hin" min ti. Mitthi lumena hlim viau thu a awm lova, thlan laih phûr viau thu a awm hek lo, kan mizia an hre lo a ni. Kumin kumtir lam khan Tlungvel tlangval pakhat a bova, nasa takin khawtlangin an zawnga, mibo zawng tlangval tlawmngai hnatlangte z^nah an lo h^wng a, d^wrk^wn ah nulaten thingpui nêan an lo hmuak a, pa pakhat chu lo ding chhuak in "Mizo kan ni kan hmel a \ha" tih hla thu hi a sawi a, mibo zawng tlangval tlawmngaite hmel kha \ha a ti hle a ni. Rîkrum thil a lo thlena kan fuankh^wm thuai \hinte, damlo mangangte hnena a thlawna thisen kan pe \hinte, hmeithai In kan sak sak \hinte leh \anpui ngai YMA ten kan \anpui \hin hi chu a ropuiin a hlu êm rêng a ni. Ngaihtuah ngun ngai ta chu a chung a kan sawite khi tuna kan dinhmun, tuna kan mizia hi a la ni em? tih hi a ni.

Vawi khat chu YMA programme hmangin thingtlang khua, Aizawl a\anga km 170 vela hla ah ka zina. "Aizawl zaithiam rawn hruai hram ang che" an tih avangin mipa pakhat leh hmeichhe pakhat ka hruai a. Kan haw lamah chuan pitar kum 70 mi ka phur tel a. Chu pitar chuan "motor hi ka rui leh \hin, tukverh bulah ka lo \hu ang e" a ti a. Ka zaithiam hruaitu chuan motor an rui lo, mahse an kian duh lo. Aizawl city bus-ah hian a ^wm nêam z^wk hmeichhia hrim hrim chu sawi loh, aia upa tar chak lo seat kian thei lo, ken tur a ni tih pawh hre lo, High School naupang chu

sawi loh, College zirlai leh \halaite zingah an va tam tehlu em! Mizo zia hre lo \halai duh aiin kan pung chak ta hi a pawh a ni. Anmahni thiam loh a ni vek lovang, a zirtirtu tur nu leh pa thiam loh a ni tel ngei ang.

Ei leh in-ah hian tunlai hian Mizozia hawihh^wmna a lang ta lo bawh. Fatu-ah ka \ang fova, \halaite zingah hawihh^wmna hmuh tur a v^ng ta hle a ni. | um khat chu mo lawmna ruai\hehnaah chawei tur an intlar \hup a, tlangval pakhat chuan a hma chiah a ding putar pakhat chu " ka pu, ka hmanhmawh deuhva. ..." tiin a hmakhalh a, zahna ch^ng hre hauh lovin zu b^r tûn tûn ngam a! Kawng laka motor chhia, ûksak miah lova tlan pêl \hin driver an tam s^wt hle mai. Hawihh^wmna hi kan m^wipui a ni tih hria a kan zir thar a \ul takzet a ni.

Doctor, super specialist pawhin en se "nula, tlangval, nang zawng i hrisel e" an tih ngei ngei tur khawpa hrisel si, eng mitthi d^r mah ina a kaih harh zawh loh mutui \halaite zingah an pung zel hi punna \ha a ni lo bawh. A tuhriamah, eng mitthi d^r mah in kan thin a \h^wng ta miah lo mai hi a MAK ta a ni. Tunhma chuan thih dan rapthlak deuhva thi an awm chuan Zoram a deng chhuak \hin a nih kha. Mizo nih tinuamtute leh kristian zirtirna lan chhuahtirtu kan nunze mawi, mi zawng zawng tana entawn tlak kan neihte hi khawvel hriata kan hmang ti thangmawitu a nih zêl theih nan uar leh zualin i ch^wi nung zel ang u khai.

(He thu hi YMA General Conference 2011, Kolasib a a thusawi thenkhat a ni. A tul anga chhunzawm a ni ang)

<http://ymaaw.blogspot.com>

Email: cwbymaaw@gmail.com

KHUANGCHERA

☞ Hruaitute leh mi thahnemngaita inpekna zarah Krismas leh Kumthar ah buaina liantham awm lova hman zawh a ni chu lawmthu an sawi a.

☞ Kum 2012 kumthar chibai an buk theuh a, kumthar hlimtaka hmang turin memberte duhsakna an hlan. Memberte tan malsawmna kum ni theuh turin an duhsak.

☞ Ni 30.12.2011(Zirtawp) zan khan an hruaitu boralta Pu K.Lalengmawia(L) chhungte lenpuiin hun hlimawm tak an buatsaih a, he huna tel zawng zawngte chungah lawmthu an sawi.

☞ Kumthar Ni 3.1.2012 thleng hian duty tur a ni a, memberte leh hruaitute atawp thlenga thahnemngaitaka duty turin an ngen.

☞ Ni 4.1.2012(Nilai) zingkarah Duty buk thiah leh tihfel hnatlang neih tum a ni.

☞ Duty nana hmun phaltaka hman tirtu leh atul apiang buaipuitu Pi Zohmingthangi te chhungkaw chungah lawmthu an sawi takzet.

☞ Pu R.Lalmachhuana, Vice President CWBYMA leh Section I/C chuan Duty tanpuinan ` 150/- a pe a, lawmthu an sawi.

☞ Krismas leh Kumthar tanpuinan Section chhunga chhungkaw 4 hnenah tanpuina an hlan.

NEUVA

☞ Ni 30.12.2011 (Zirtawp) tlai khan Kumtawp Committee Pasaltha Neuva In-ah neih a ni a, OB I/C Pu R.L.Thanhnuna'n a telpui.

☞ An hruaitu Pu K.Lalzuithanga leh Tv.Lalmuanpuia Zawngte Krismas leh Kumthar hmanga an khaw lama zinte damtaka an lo haw leh thuai an duh.

☞ Pu H.Lalhmuaaka in leh Pu R.D.Muana (L) in inkar luikawr-a bawlhhlawh paih thinte a kawmthlanga awmte tan hnawksak leh rimchhia a nih avangin paih tawhlo turin an ngen.

☞ Kumhlui thlah zana duty te eitur Ar lian tak petu Pu Lalramsanga (Sirvatea) chungah lawmthu an sawi.

☞ Vengchhung a ralmuan theih nana tlawmngaih chhuah a Section chhunga YMA member duty zawng zawngte chungah lawmthu an sawi a, buaina leh harsatna awmlowa Krismas leh Kumthar hlimtaka hman a ni chu Section chhung mipuite hnenah lawmthu an sawi bawh.

TAITESENA

☞ Section memberte leh mipuite Kumthar chibai an bukin he kumthar hi hlimtaka lawm theuh turin duhsakna an hlan.

☞ Section chhungah duty chhunzawm zel a ni a, Ni 3.1.2012 thlenga tlawmngaia duty theuh turin an ngen.

☞ YMA Aw semtute hruaituten mithar an ruat hma chu tlawmngaihchhuaha lo sem chhunzawm zel turin an ngen.

☞ Ni 4.1.2012(Nilai) zing hian Duty-na hmunhna tihfel hnatlang hruaituten neih tur a ni a, kimtaka thawkchhuak turin an ngen.

☞ Duty-na hmun phaltaka hman tirtu Pu Maawma te chhungkaw chungah lawmthu an sawi .

☞ An hruaitu Tv.Johny Lalthanpuia pawhin damtakin hun a hmang leh thei ta chu an lawmpui hle.

☞ Krismas leh Kumthar hun buaina leh harsatna awm lova an hmang thei chu vengchhung mipuite chungah lawmthu an sawi takzet.

VANAPA

☞ Duty te tan Pu Mawizuala'n ` 500/- lai a pe, Pu James D Chhangte in Taaza, Fin Secy Pu Lalawmawia'n Buk chei na tur Light a tum bakah mi hrang hrang in Duty te ei leh intur an tum sak bakah Pu C.Ramparlana te leh thenawm hnai ten mamawh tinreng an hman tir thina an lawm takzet ani. Ni 3 zanah hian a tawp nan Sawhchiar pir ho tum ani a, member te pawh kal turin an insawm.

☞ Krismas vuakvetah Section chhungah thil duhawm lo a thlen hriat ani lo.

ZCC NEWS

☞ Ni 29.12.2011 (Ninga) zan khan Assam Rifle-ah programme neih a ni a, member 28 an thawkchhuak.

☞ Rallu Lam Drama, All India Radio (AIR) a mi tur chu peihfel thawkhat a ni tawh. Recording-a buatpuitu Pu Lalbiakzuala Sailo (BZA) (Blue Wave Recording neitu) chungah lawmthu an sawi.

☞ An hruaitu Aizawl pawn lama Krismas leh Kumthar hmanga thangbo zawng zawngte damtaka an lo haw leh thuai an duhsak.

☞ Member zawng zawngte Kumthar Chibai an buk.

LAWMTHU SAWINA

(Local Council)

Chanmari West veng mipuite Kumthar chibai kan buk a che u. Kan vengchhungah kumtluana buaina leh harsatna tawh lova mi hruaina avangin Pathian hnenah lawmthu kan sawi takzet a, he kumthar 2012 hian thinlung thar leh rilru thar min herchhuahpui theuh turin veng mipuite duhsakna kan hlan a che u.

Sd/- VANLALHUMA

Chairman

Chanmari West, Local Council.

Hmunawl :-

BAWLHHLAWH HMANRUA A CHANTIR

Kum thum vel kal ta a UD&PA-in Beraw lui bula bawlhhlawh Tranfer Station a siam chu thla li vel hman a nih hnuin hman chhunzawm a ni lo va, hei hi motor lam indaih loh vang nia sawi a ni. A chhan lam hi chu eng pawh ni se kan bawlhhlawhte awmze neia paih leh sawngbawh hi chu a hun tawh takmeuh a. Bawlhhlawh kan tranfer dan tur pawh ruahmanna fel tak nei chungah thui tak thlira kalpui a pawimawh lang

Kan hnam a changkan loh a leiah bawlhhlawh kan ngah a, kan bawlhhlawhte hi thil dang tangkai zawka han chantir zung zungna tur kan neih loh avangin hnawmhnawkah kan chhuah vek a, hei hi changkan lohna chi khat chu a ni ve ngei mai. A hman tangkaina awm chuang miah si lo va lo thliar a, lo buaipui chiah kha awmzia a nei thui vak lo vang. Kan bawlhhlawhte hi awmze neia kan chan chhuah leh theihna tur kawng hi department pawh hian ngaihtuahna tak tak sengin buaipui a hun tawh hle a ni. A la hman tangkai theih zawng hman tangkaina tur kawng ngaihtuah a, hman zui thei tawh lohte tih ralna tur ngaihtuah a ngai a ni.

Mihing kan pung zel a, hei hian a ken tel ngei ngei chu bawlhhlawh pung ve zel hi a ni. Tunah hian Aizawl khawpui veng then khat chu bawlhhlawh paih chungchanga khawtlang mawhphurhnaa dah tuma ruahmanna kalpui mek nia sawi a ni a, hengte hi thil tih chi tak tur nia alan laiin, a paihna lam tur leh kan bawlhhlawh sawngbawlna lam tur hi kan ngaihtuah tel loh chuan, bawlhhlawh paihna hmun khat lutuk avangin harsatna kan nei thuai ang a, chu mi rual rual chuan bawlhhlawh paihna hnuai lama lui tui kan tibawlhhlawhin luia cheng nungchate tan pawh nasa tak kan thlen thei bawh ang. Kan bawlhhlawhte hi eng hmanraw tangkai emaw kan chan chhuah lehna tura hmalak hi chu a hun tawh a ni.

YMA AW hi vengchhung chanchin thar hriatna hnar pawimawh tak a ni .

CHAM CHAM STORE
Chanmari West, Aizawl
C-85/01A

Computer hmanga thil chi kim tihna hmunpui
 Contact : 0389-2348162

HEI TAH HIAN SMS LA

>>8794162539<<

☞ Thupek khauh tak 'Ran Khuahkhirh' chungchang khan chhuah a ni in ka hria a. Thuneitute lam hian in 'UI' in la chhuah fo mai hi a mualphothlak hle mai. Naupang tan chuan khawlai kal pawh a hlauhawm thin takzet e. Mi kutthak a tawrh hma hian khuahkhirh ang u. Kan zawm loh tur thu hi chu i chhuah tawh lo bawh ang u.

961215__30

☞ Kan Councillor hmalaknain kan veng kawrpui leh Pu Vanthanga In bul kawr siam a ni dawn a, hmasawanna tur lo kal hi thataka thawh a nih theih nan veng mipuiten thikthu i ti chhe ve deuh ang u. Vengdangin an thawk dawn si a, sum atam emaw a tlem emaw thawh chin tha se chhunzawm tlakin.

801452__91

☞ Mite pawhin in an sa ve thin, mahse bengcheng leh ninawm khawpa insak hi chu a tha lo khawp mai. Zan lamah ngat phei chuan ...khawl ri a ring ropui si.

986243__80

(SMS kan dawn te hi Ed. Bd ngaihdan a ni vek kher lo)

THLALAK

Hunpui kan thleng leh ta. Mimal, thianho, chhungkua thlalak duh tan koh theih kan ni e. Thlalak hlui pawh kan siam tha thei bawh e.

Contact :-
Lallawmpuia
Chawngbawla
Section
C-38 C
Ph:9862493128

1-2

SPRINGDALE SCHOOL

ADMISSION NOTICE, 2012
 Admission Opened for
 2012 Session

NERSARY - CLASS : X

Nursery Class bik-ah
 Admission ti hmasa Seat 40
 chauh FREE a tihsak an ni
 ang.

Contact No :-
 2346306/9862812084
 9862336196

(1-6)

ROYAL ENGLISH ACADEMY
 (Comprehensive)

Chanmari, Chaltlang Road.
 Class - V to Class - X
 Day leh Hostel
 admission a tih theih e.
 HSLC Result hnuhnung ber
 ah 100% pass a ni.

Contact :-
 9862375083/9612297127.
 (2-6)

THLALAK DUH TAN

Chhiatni / Thatni,
Chhungkua leh Birthday
etc. thlalak duh tan koh
theih kan ni e.
Thlalak Edit leh Thlalak
hlui chei kan ti thei
bawh.

Contact :-
C.Lalh mangaiha (Te-a)
S/o C.Laltanpuia
Chanmari West, Kawipui chung
9615471892 / 9206194751.
 (2-2)

NEW HORIZON

SCHOOL OF EDUCATION
 Day & Residential School
Admission Opened

for 2012 Session

Class I - XII (Arts)
Special Features :

- * International Standard Digital Learning Technology hmanga zirtirna school
 - * Offers Spoken English & Hindi
 - * English Accent Training Class
 - * Co-scholastic activities tangkai ngah ber School
 - * Kuntin Board Exam Result tha kan nei thin
- Class hniam ber Class - I tan Free**
Admission + free frock/trouser

Contact : (0389) 2346362
 9436141868 / 9612228372
 (5-9)

ADMISSION NOTICE

Kum 2012 Academic Session atan Chanmari West High School ah CI-IX leh CI-X tan Ni 6 January 2012 atangin Admission hawn a ni ang.

Thla tin fee chawi a ngai lo a, Admission fee ` 300 chauh a ni.

Contact :-
 9862367795/9862357822.
 (1-2)

BPL Fixtures :-

Sunday 1st January 2012

12:30 West Brom vs Everton
 15:00 Sunderland vs Man City

Monday 2nd January 2012

15:00 Blackburn vs Stoke
 15:00 Aston Villa vs Swansea
 15:00 QPR vs Norwich

15:00 Wolverhampton vs Chelsea

17:30 Fulham vs Arsenal

Tuesday 3rd January 2012

19:45 Wigan vs Sunderland
 19:45 Tottenham vs West Brom
 20:00 Man City vs Liverpool

Wednesday 4th January 2012

20:00 Newcastle vs Man Utd
 20:00 Everton vs Bolton

LODESTAR SCHOOL

Admission Opened
 For 2012 Session

KG-I to Class VIII

Free Admission for KG-I

Contact :
 0389-2340281/9862711823
 (3-4)